

Элст балгъсна Советин хойрдгч сессий

Күч-көлсчирин депутатирин Элст балгъсна Советин хойрдгч сессий одахн болв. Сессийин күүндврт иим төрмүд халлагдв:

1. Балгъсна медрлд баях эдлахун 1957 джилин государствени зуран тускар.

2. Балгъсна 1957 джилин бюджетин болн 1956 джилд бюджет ягъдж күүдгдснә тускар.

Түрүн төрәр доклад кесн балгъсна зуран комиссин ахлач үр Дженгуров, эн джил зурагъар болхла 12,5 сай арслнъ мөнъгнә продукц гаргъх зөвтә, эннә нидн джил гаргъсна дүнъгцүлхлә 21 процент өсджәснъ тер гидж медүлв.

Промышленн производствд балгъсна промкомбинатин нилч ик болх зөвтә. Энүнә предприятияс 2 сай 752 минъгън арслнъ мөнъгнә продукц гаргъхмн. Тедн дотрнъ тосхлтд ик кергтә чолун, тоосх, алебастр, известь болн нань чигн кергдхмн.

1956 джилд балгъсна бюджет оругъарн 684 минъгън

арслнъ давдж күүдгдв. Гаругъин ик зунь менд-эрүл баялгънә, эрдм-сургъулин, культурн болн амтн баядг гермүдяс-лгъна болн тосхлгъна керг күүдгдгнд гаргъгдв. Эн халхар 5 сай 508 минъгън арслнъ эдлгдв.

Эн джилин балгъсна бюджет 13 сай 704 минъгън 500 арслнъ гидж батлгдв. Нидн джиллә дүнъгцүлхлә, өслтнъ 7 сай 600 минъгън арслнъ болджана.

Сессий деер тавдж күүндгдсн төрмүдәр балгъсна промкомбинатин директор үр Манушов, балгъсна коммунхозин заведующ үр Плотицын, Ленинә нертә колхозин ахлач үр Гончаров, балгъсна Советин күүдгч комитетин ахлачин дарук үр Литвиненко, электростанцин директор үр Кадушев, КПСС балгъсна комитетин сегләтр үр Манцынов—эди келсн үгдән көдлмшт баях дутудундсиг заагъад, күүдгх тодрха төрмүд заадж келцхäv.

Күүндсн төрмүдәр сессий шиидвр гаргъв.